

吳伯雄
編

陳壽祺全集

44



廣陵書社

陳壽祺全集



廣陵書社

第四十四冊

卷二百三十七 國朝人物 武功傳 一

卷二百三十八 國朝人物 儒林傳 二九

卷二百三十九 國朝人物 文苑傳 七一

卷二百四十 國朝人物 忠節傳 一四九

卷二百四十一 國朝人物 孝義傳 (一) 二一一

卷二百四十二 國朝人物 孝義傳 (二) 三一七

卷二百四十三 國朝人物 孝義傳 (三) 四三七

卷二百四十四 國朝人物 孝義傳 (四) 五一三

卷二百四十五 國朝人物 孝義傳 (五) 五九九

卷二百四十六 國朝人物 孝義傳 (六) 六九七

重纂福建通志卷之二百三十七

人物

國朝武功傳

福州府徐新勝

江洪琯

林鳳

潘林祚

俞啓

陳誥

吳朝

建甌世陳一凱

潘國材

蔡攀龍

興化府陳斌

泉州府鄭纘昌

洪忠

曾榮越

曾捷

曾維勳

陳恕

洪邦俊

曾大勳

黃

郭世

耀

郭新

吳楠

許忠

林莊雄

劉執忠

魏平

方長生

張正

王良

方劉

蘇虎臣

李智

曾春

黃瑞

林正春

林匯

吳虎臣

林廷福

黃志

輝 林滉

漳州府羅士鈐

弟士

林秀

曾大猷

陳啓明

延平府吳日光

建寧府楊彪

邵武府邱廣才

汀州府張運中

溫紹賢

鄒兆

吳陞

羅卓

湯兆麟

福寧府周龍

彭日光

高斌

曾應鳳

何玉

鄭良達

蔡光周

胡鯤南李進得

臺灣府陳致遠

子應

陳友

王作

林黃彩

郭張

洪就

顏得慶

楊

彬

許翰冲

許元吉

張啓琇

許鄭勝

游化

許順

蔡王文

許榮

陳志

張希文

游化

福州府

徐新勝古田人後隸屏南順治五年山寇猝發新勝爲本鄉團練以力昭之敘功授陝西延綏鎮宜君營參將

江洪琯字人瑞福清人漳州鎮韓某器之延參軍事耿逆之變琯遁跡海澄耿逆旣敗海氛未靖琯與鎮帥某謀守城迎 大師敘功加副將銜任興化鎮右營遊擊以剿金廈功調金門鎮子良潮任南海縣巡檢

林鳳字侯澤福清人幼嫻韜略才識過人總督姚啓聖擢補金門中軍守備以克澎湖功加左都督拖沙喇哈番食一品俸擢河南遊擊中州地曠人稀捐資給牛種墾田遷山東兗州參將肅軍政卹兵民以老乞休歸同里潘林祚字元信由海壇把總累官至提標中軍參將營規整肅有以常例進者秋毫不染遷江南京口副將調廣東春江副將卒於官

俞啓字道來羅源人從戎伍克復澎臺以功授陝西靖邊營遊擊

歷四川敘馬營參將清介自守以年老致仕歸

陳誥字禹夫侯官人康熙二十二年授廣東欽州營遊擊時亂後兵驕誥恩威並用謹斥埃時簡閱兵戢民懷尤敬禮儒生捐資修學宮擢廣西永寧參將卒祀名宦

吳朝建字叔章一字樸齋長樂人本姓許少孤依其出母撫於吳氏遂姓吳練制府滿保麾下康熙六十年臺匪朱一貴亂朝建籍廈門材俊子弟爲一軍廈門扼漳泉二郡臺澎羣民多窟其中桀者皆入募籍則無內顧憂遂從平臺制府廉其才拔千總駐防歸化寧化二縣歸化饑民行掠朝建擒治之以便宜佐縣令蠲賑民賴以安雍正十三年授銅山守備遷連江遊擊置巨猾父子五人於法愛民禮士標兵有凌侮紳士及平民孤寡者必重懲之年六

十餘請老家於連江與高人逸士聯九老會有儒將風子世膺以
仗義死林爽文之難

陳一凱字雪華閩縣人乾隆五十一年臺灣林爽文亂從軍渡臺
事平授外委嘉慶二年檄赴海壇緝捕海盜陳弗等拔把總八年
三月出哨四與洋夜遇盜船擒其魁林秋秋等擢千總權臺灣水
師中營守備時蔡牽勾結山賊犯府城窺安平鎮一凱率所部伏
七鯤身邀而擊之安平賴以保全而府城之圍亦解十三年除右
營守備權遊擊駐防鹿港調艦舩又權臺灣水師副將引疾歸

潘國材字遶山閩縣人由武舉人授職遷泉州守備林爽文之亂
國材從征臺灣抵鹿仔港領兵由海道進攻大甲溪南埔蔴園沙
轆所向皆捷橫山有猪哥庄地險極賊據有日將士屢攻不能克

國材一鼓破之大里杙爲爽又巢穴大學士福康安統兵進勦命國材從北路分攻賊穴一空紀功居上等臺平授臺鎮中軍遊擊俗多械鬪聞國材至謹呼而罷遷廣西提標參將未赴任卒櫬不能歸兵民賻送至海濱而返建祠以祀時海寇未靖舟至海中寇追至知爲國材家屬寇曰廉明官也皆散去國材工草書有詩集蔡攀龍閩縣人乾隆壬子武舉人授金門千總領兵赴臺灣適海寇蔡牽竄臺攀龍在安平協勦擊退之明年蔡牽復竄鹿耳門攀龍跟勦獲林正等六十餘人後移閩安帶兵換回臺滿兵由鹿耳門出駛至澎湖外洋獅公礁遇風船破淹斃

賜卹銀祭葬給雲騎尉三代襲次完時給與恩騎尉世襲罔替

興化府

陳斌字朝岐莆田人幼讀書通韜略值閩多故投筆從戎劄授都
僉耿逆變作斌領先鋒征勦恢復壽昌遂安二縣並逐土寇於威
平鎮擒其魁汪匪石等殲之旋破耿逆木城焚其營進攻大溪灘
奪仙霞關恢復建寧延平諸郡邑順流而下耿逆就俘以功授福
州城守營副將時海氛方熾總督姚啓聖知其才調漳州連克陳
州等一十九寨并克復金廈二島以功授左都督世襲雲騎尉從
靖海將軍施琅出師銅山擊殺僞鎮邱輝等克澎湖全臺就撫加
世襲騎都尉移南陽鎮副將以老乞休年七十卒斌性沈毅每遇
敵則身先士卒又推誠與人人皆心服

泉州府

鄭纘昌字哲俞南安人順治初從父泰爲鄭逆所戮纘昌與從弟

續緒率眾歸誠授左都督奉

命平島所向披靡改授精奇尼哈番滇黔事起從師穀城爲荆襄援尋進征夔府摧堅歷險多著勞績師旋不及論功而卒年四十四續昌倜儻不羣讀書之暇習騎射擊刺嘗與人角勝時黃花正開客請以花易毬射無不中再易以錢中如初又令人蹲奉三毬如拳毬俱着箭去蹲者猶未覺也

洪忠字蓋臣惠安人康熙二年招募官兵克復金廈各島以軍功授都督金門鎮右營遊擊時同縣曾榮亦以克復金廈功由遊擊遷至廣東副將其隨征金廈兼勦撫澎臺者曾維勳由把總歷官至遊擊洪邦俊字彥臣黃越皆以左都督領把總曾連授雲南參將從師剿平澎臺者陳恕授左都督帶拖沙喇哈番曾大勦授海

壇守備

郭世耀初名國祚南安人與江西翁韜謀矯巡撫吳興祚書招降江幾幾爲海上鄭逆黨號江拐子受僞命爲將軍聚眾邵武山中悉裹頭露足登高走壁輕捷如飛官軍莫何國祚與韜越壑踰巖直抵帳下幾發書怒欲殺之僞總兵高茂芳諫曰將軍雄據險要水戰鳧輕山鬪猿捷而馳驟平原非其長也況地無千里之饒糧無一年之積其能久乎從之猶不失我富貴江是其言然尙猶豫未決先釋國祚及韜歸遂見巡撫陳江幾可撫狀並請擅作書罪興祚大喜復作札擇有幹略者偕行江幾遂率所部七萬餘人降國祚讓功不居後改今名除千總值臺灣未靖金門總兵陳龍以其習水性令率甲士從靖海將軍施琅平之以功加都督銜授古

北口遊擊遷參將擢廣東副將

郭新字日民同安人少習韜略康熙王入閩授援剿右營守備守金門克復海壇南日平海湄州崇武臭塗及金廈等堡所至不戰而平靖海侯施琅東征以新爲前驅與劉國軒等戰於澎湖三十六與一時俱下全臺遂平敘功授左都督世襲拜他喇布勒哈番時同里從攻廈金兩島及平澎臺者吳楠字世喬精曉水性敘功加左都督授春江副將擢南澳總兵未任卒林莊雄以把總從征議敘授左都督兼拖沙喇哈番以副將用其平臺有功者劉執忠有勇略總督姚啓聖命赴淡水招撫事平授海澄營遊擊魏平儀表奇偉以功加左都督授南澳遊擊及臺灣南路參將遷廣西潯州副將張正以功加左都督世襲雲騎尉授金門鎮遊擊方劉進

以功加左都督授陝西固原鎮副將許忠以功授同安營遊擊貢生林宗泰以功題補參議道蔣熺以功補蘇松中營參將方長生以功授都司王良字遂侯以功加左都督銜

蘇虎臣南安武生康熙十六年從提督段應舉克復同安海澄授千總擢守備又同興化遊擊陳永茂征李復貴陳申等擣平賊穴十七年從提督楊捷征鳳山十九年克復觀音山十九寨及海澄廈門二十年授都司旋從水師提督施琅出海攻克澎湖三十六島臺灣平敘功授左都督興化副將同縣李智亦以平臺功授總河中軍副將擢南澳總兵林廷字伯選以從征紅夷功授靖海右營參將

曾春字化公晉江人與提督萬正色有舊正色統兵援岳州薦春

於制軍夜半斫柵克君山復岳州授遊擊後以被累革職從征閩海戰宗武平金廈兩島授銅山遊擊鎮秦溪二十二年施琅平臺灣春績尤著以功加左都督帶拖沙喇哈番銜擢廣西河池參將擒水遁巨魁父子立斃於杖池人感之擢四川夔州協副將以目疾乞歸子起鳳字漢翔襲職黃瑞晉江人提督萬正色拔隸援剿總兵黃鎬麾下與賊戰崇武海中賊大敗逃歸臺灣以功授銅山鎮標中軍遊擊二十二年又從靖海侯施琅戰澎湖瑞以功加左都督帶拖沙喇哈番銜世襲擢代州參將致仕林正春字伯馥隨剿澎臺有功授福建海壇鎮標中軍守備擢浙江太湖參將林匯字如淵惠安人總督姚啓聖統師平金廈澎臺匯上策干之授援剿副將訓練水軍以功授左都督選湖廣竹山遊擊歷登萊

參將遷黃州協副將黃梅故陳友諒竊據地也地險民頑逼於縣令變起不測匪親至賊巢曉諭卽解散以病告歸

吳虎臣字炳其父得元乾隆丙辰武進士以親老歸養自學宮試院書院社倉及族中祠宇墳墓無不修舉著有垂後錄虎臣乾隆辛巳武進士授藍翎侍衛出爲陝西關山營都司從征小金川以三百人克婁仰山奪其隘連克半扇門小金川出入重地也領兵扼其險 大師遂直擣巢穴賊匪竄入大金川諸軍移兵進討虎臣又力攻克拉窠馬奈在軍六年凱旋錄功擢直隸天津營遊擊遷陝西宜君營參將又遷廣東黃岡副將權潮州鎮總兵後以墮馬傷乞歸卒年八十二

林廷福字錫卿一字受堂同安人以獲盜功補金門鎮外委嘉慶